

ISSN: 2181-9416



ЮРИСТ АҲБОРОТНОМАСИ

ВЕСТНИК ЮРИСТА * LAWYER HERALD

ХУҚУҚИЙ, ИЖТИМОИЙ, ИЛМИЙ-АМАЛИЙ ЖУРНАЛ



CYBERLENINKA

crossref

научная электронная
библиотека
eLIBRARY.RU



ISSN 2181-9416
Doi Journal 10.26739/2181-9416

ЮРИСТ АХБОРОТНОМАСИ

3 СОН, 1 ЖИЛД

ВЕСТНИК ЮРИСТА

НОМЕР 3, ВЫПУСК 1

LAWYER HERALD

VOLUME 3, ISSUE 1



TOSHKENT-2021

**КОНСТИТУЦИЯВИЙ ҲУҚУҚ. МАЪМУРИЙ ҲУҚУҚ.
МОЛИЯ ВА БОЖХОНА ҲУҚУҚИ**

1. ЮЛДАШЕВ Джахонгир Хайитович

ЎЗБЕКИСТОН РЕСПУБЛИКАСИ ФУҚАРОЛИГИНИ ТИКЛАШГА ДОИР
МУНОСАБАТЛАРНИ ТАРТИБГА СОЛУВЧИ МИЛЛИЙ ҚОНУНЧИЛИК НОРМАЛАРИНИ
ТАКОМИЛЛАШТИРИШ 8

2. УМИДУЛЛАЕВ Қаҳрамон Усманович

ИЖРО ЭТУВЧИ ДАВЛАТ ОРГАНЛАРИ ФАОЛИЯТИНИ БАҲОЛАШДА ЖАМОАТЧИЛИК
ИШТИРОКИНИ ТАЪМИНЛАШ – ДАВР ТАЛАБИ 14

3. ХОЛМУМИНОВ Жуманазар Тоштемирович

СУВДАН ФОЙДАЛАНИШ ВА МУҲОФАЗА ҚИЛИШГА ОИД ҚОНУНЧИЛИКНИ
ТАКОМИЛЛАШТИРИШНИНГ АЙРИМ МАСАЛАЛАРИ 20

4. МИРУКТАМОВА Феруза Лутфуллаевна

“ҚОНУНИЙ МАНФААТЛАР” ТУШУНЧАСИ ВА УНИНГ

“СУБЪЕКТИВ ҲУҚУҚЛАР” БИЛАН НИСБАТИ 31

**ФУҚАРОЛИК ҲУҚУҚИ. ТАДБИРКОРЛИК ҲУҚУҚИ.
ОИЛА ҲУҚУҚИ. ХАЛҚАРО ХУСУСИЙ ҲУҚУҚ**

5. БОЛТАЕВ Мансуржон Сотиволдиевич

ИХТИЁРИЙ ТИББИЙ СУФУРТА ШАРТНОМАСИННИНГ ЎЗИГА ХОС ХУСУСИЯТЛАРИ 37

6. КАЛАНДАРОВА Малиқаҳон Пирназаровна

ДАВЛАТ ХАРИДЛАРИ ТИЗИМИДА СМАРТ-КОНТРАКТЛАРНИ ҲУҚУҚИЙ ТАРТИБГА
СОЛИШНИНГ ДОКТРИНАЛ КОНЦЕПЦИЯСИ 45

7. БАБАЕВ Джахонгир Исмаилбекович

ИНТЕРНЕТ ТАРМОҒИДА ТУЗИЛГАН ШАРТНОМАЛАР ОРҚАЛИ ИСТЕҶМОЛЧИГА
ЕТКАЗИЛГАН ЗАРАРНИ ҚОПЛАШГА НИСБАТАН ҚЎЛЛАНИЛАДИГАН ҲУҚУҚНИ
АНИҚЛАШ 51

МЕҲНАТ ҲУҚУҚИ. ИЖТИМОИЙ ТАЪМИНОТ ҲУҚУҚИ

8. ИШАНХОДЖАЕВ Саидахмад Акрамович

ЎЗБЕКИСТОНДА МЕҲНАТ МИГРАЦИЯСИГА ОИД МЕХАНИЗМЛАРНИ
ТАКОМИЛЛАШТИРИШГА ОИД АЙРИМ МАСАЛАЛАР 59

**ЖИНОЯТ ҲУҚУҚИ, ҲУҚУҚБУЗАРЛИКЛАРНИНГ ОЛДИНИ ОЛИШ.
КРИМИНОЛОГИЯ. ЖИНОЯТ-ИЖРОИЯ ҲУҚУҚИ**

9. ИБРОҲИМОВА Зулхумор Солих қизи

ОИЛАГА ҚАРШИ АЙРИМ ЖИНОЯТЛАРНИНГ СУБЪЕКТИВ ТОМОНИ МОТИВИДАГИ
“ПАСТ НИЯТ” ТУШУНЧАСИ 65

10. РАХИМХЎЖАЕВ Рустам Нишонхўжаевич

ЎЗБЕКИСТОНДА ТЕЗКОР-ҚИДИРУВ ТАДБИРЛАРИНИ ҲУҚУҚИЙ ТАРТИБГА
СОЛИШНИНГ РИВОЖЛАНИШИ 71

11. ХАСАНОВ Шавкатбек Хайбатуллаевич, РОМАДАНОВА Таисия Александровна

ТРАСОЛОГИК-МЕХАНОСКОПИК ЭКСПЕРТИЗАЛАРНИНГ
ЗАМОНАВИЙ МУАММОЛАРИ 77

10. АБДУҚОДИРОВА Шахноза Абдуқодир қизи

СУД ЭКСПЕРТЛАРИНИНГ ХАТОЛАРИ ВА УЛАРНИ БАРАТАРАФ ҚИЛИШ ЙЎЛЛАРИ
БЎЙИЧА АЙРИМ ФИКРЛАР 82

12. САИДОВА Лола Абдувахидовна

МЕЖДУНАРОДНАЯ ПРАКТИКА ДОСТИЖЕНИЯ ГЕНДЕРНОГО РАВНОПРАВИЯ И
НАЦИОНАЛЬНАЯ ПОЛИТИКА УЗБЕКИСТАНА В ЕЕ ОБЕСПЕЧЕНИИ 88

13. РАСУЛОВ Журабек Абдусамиевич

МЕҲНАТГА МАЖБУРЛАШ: “МАЖБУРИЙ МЕҲНАТ” ВА “ЗЎРАКИ МЕҲНАТ”
ТУШУНЧАЛАРИНИНГ ХАЛҚАРО-ҲУҚУҚИЙ СТАНДАРТЛАРДА ҚЎЛЛАНИЛИШI 93

14. МАХАМАТОВ Махмуд Махаматминович

ИШ ВАҚТИ ВА ҲАҚ ТЎЛАНАДИГАН ТАЪТИЛЛАРГА ОИД ХАЛҚАРО
СТАНДАРТЛАРНИНГ МИЛЛИЙ ҚОНУНЧИЛИККА ИМПЛЕМЕНТАЦИЯСИ 102

15. МИРҲАМИДОВА Махиннора Нуруллаевна

ЎЗБЕКИСТОН РЕСПУБЛИКАСИНИНГ ФОРС КЎРФАЗИ МИНТАҚАСИДАГИ АРАБ
ДАВЛАТЛАРИ БИЛАН ДИПЛОМАТИК МУНОСАБАТЛАРИНИНГ РИВОЖЛАНИШ
ТЕНДЕНЦИЯЛАРИ 108

ҲУҚУҚИЙ АМАЛИЁТ ВА ХОРИЖИЙ ТАЖРИБА

15. ЮНУСОВ Хайдарали Муратович

ЮРИДИК ХИЗМАТ ВА КАСБИЙ ФАОЛИЯТ: МЕҲНАТ БОЗОРИДАГИ ИМКОНИЯТЛАР,
ЮРИДИК ФАОЛИЯТ ЙЎНАЛИШЛАРИ ВА АДВОКАТЛИК Лицензияси (АҚШ
ТАЖРИБASI) 115

16. САҶДУЛЛАЕВ Алишер Зафар ўғли, ЗАЙНОБИДДИНОВА Фарангиз Бахтиёр қизи

ЁШЛАРНИ ИШ БИЛАН ТАЪМИНЛАШНИНГ МУҲИМ ЖИҲАТЛАРИ: ХОРИЖИЙ
АМАЛИЁТ ВА ЗАМОНАВИЙ ТЕНДЕНЦИЯЛАР 121

15. ЮСУПОВ Жамшид Бахтиярович

ЎЗБЕКИСТОНДА ЭЛЕКТРОН ДАВЛАТ ХИЗМАТЛАРИГА ЎТИШ ТЕНДЕНЦИЯЛАРИ 131

ЮРИСТ АХБОРОТНОМАСИ ВЕСТНИК ЮРИСТА LAWYER HERALD

ЖИНОЯТ ПРОЦЕССИ. КРИМИНАЛИСТИКА,
ТЕЗКОР-ҚИДИРУВ ҲУҚУҚ ВА СУД ЭКСПЕРТИЗАСИ

РАХИМХЎЖАЕВ Рустам Нишонхўжаевич
Ўзбекистон Республикаси Ички ишлар вазирлиги
Академияси катта ўқитувчи
E-mail: raximxo'jayev@mail.ru

ЎЗБЕКИСТОНДА ТЕЗКОР-ҚИДИРУВ ТАДБИРЛАРИНИ ҲУҚУҚИЙ ТАРТИБГА СОЛИШНИНГ РИВОЖЛАНИШИ

For citation (иктибос келтириш учун, для цитирования): РАХИМХЎЖАЕВ Р.Н.
Ўзбекистонда тезкор-қидирув тадбирларини ҳуқуқий тартибга солишнинг ривожланиши // Юрист
ахботномаси – Вестник юриста – Lawyer herald. № 3 (2021) Б. 71-76



3 (2021) DOI <http://dx.doi.org/10.26739/2181-9416-2021-3-10>

АННОТАЦИЯ

Мақолада Ўзбекистонда тезкор-қидирув тадбирларини ҳуқуқий тартибга солишнинг ривожланиш тарихига тўхталиб ўтилган. Ҳуқуқий тартибга солишнинг ривожланиши бир неча босқичларга бўлиб ўрганилган. Тезкор-қидирув тадбирларини ҳуқуқий тартибга солишнинг ривожланиши норматив-ҳуқуқий ҳужжатларнинг қабул қилиниши билан боғлиқлиги кўрсатиб ўтилган. 1918 йил 28 февралда жиноят-қидирув бўлимими ташкил этилиши Ўзбекистонда тезкор-қидирув тадбирларининг ривожланишига хизмат қилганлиги келтирилган. Ўзбекистонда 1991 йилдан ҳозирги кунгача бўлган, яъни тезкор-қидирув тадбирларини ўтказиш ва натижаларидан фойдаланиш қонун ҳужжатлари билан тартибга солинган даврни қамраб олиши асосланган.

Калит сўзлар: қидирув, тезкор-қидирув тадбирлари, тезкор-қидирув тадбирларини ҳуқуқий тартибга солиш, тезкор-қидирув фаолияти.

РАХИМХУЖАЕВ Рустам Нишонхўжаевич
Старший преподаватель Академии
Министерства внутренних дел Республики Узбекистан
E-mail: raximxo'jayev@mail.ru

РАЗВИТИЕ ПРАВОВОГО РЕГУЛИРОВАНИЯ ОПЕРАТИВНО-РОЗЫСКНЫХ МЕРОПРИЯТИЙ В УЗБЕКИСТАНЕ

АННОТАЦИЯ

Статья посвящена истории развития правового регулирования оперативно-розыскных мероприятий в Узбекистане. Развитие правового регулирования изучается поэтапно. Указывается, что развитие правового регулирования оперативно-розыскных мероприятий связано с принятием нормативно-правовых актов. Так, 28 февраля 1918 года принятие уголовного розыска послужило развитию оперативно-розыскных мероприятий в Узбекистане. Она основана на том, что с 1991 года

по настоящее время, то есть проведение оперативно-розыскных мероприятий и использование их результатов охватывают период, регламентированный законодательством.

Ключевые слова: розыск, оперативно-розыскных мероприятий, правовое регулирование оперативно-розыскных мероприятий, оперативно-розыскной деятельности.

RAKHIMKHUJAEV Rustam

Senior lecturer of the Academy of the Ministry of Internal Affairs

of the Republic of Uzbekistan

E-mail: rrxaximxo'jayev@mail.ru

DEVELOPMENT OF LEGAL REGULATION OF OPERATIONAL-SEARCH ACTIVITIES IN UZBEKISTAN

ANNOTATION

The article is devoted to the history of the development of legal regulation of operational-search activities in Uzbekistan. The development of legal regulation is studied in several stages. Each stage included a certain number of periods. It is indicated that the development of legal regulation of operational-search activities is associated with the adoption of regulatory legal acts. On February 28, 1918, the creation of the criminal investigation Department served to develop operational search activities in Uzbekistan. It is based on the fact that in Uzbekistan from 1991 to the present, that is, the conduct of operational-search activities and the use of their results cover the period regulated by law.

Keywords: operational-search activities, legal regulation of operational-search activities.

Ўзбекистонда тезкор-қидириув тадбирларининг шаклланиш ва ривожланиш тарихини ўрганиш, уни ташкил этиш ва ўтказишни хукуқий тартибга солиш самарадорлигини янада оширишга хизмат қиласди. Шу билан бирга тадбирларни хукуқий тартибга солишни такомиллаштириш қўплаб омиллар, жумладан, унинг шаклланиш ва ривожланиш тарихини ўрганиш билан ҳам боғлиқ бўлиб, бу бизга ушбу жараёнларнинг қонуниятларини аниқлаш ва таҳлил қилиш учун асос бўлиб хизмат қиласди.

Тарихий адабиётларнинг таҳлили ва тадқиқотларимиз илк давлатлар пайдо бўлган даврларда тезкор-қидириув тадбирларини ўтказиш билан боғлиқ хукуқий муносабатлар одат хукуқига асосан тартибга солинганлигидан, шу билан бирга тадбирларни ўтказиш билан боғлиқ жуда кам маълумотлар сақланиб қолинганлигидан далолат беради. Фақатгина уларнинг баъзилари бугунги кунгача етиб келган.

Жумладан, Сурия худудидан топилган эрамиздан аввалги XIII асрга таалуқли археологик топилма ушбу даврда тезкор киритиш тадбири ўтказилганлигидан дарак беради. Унга кўра, бир давлат ўзининг айғоқчисини бошқа давлатга ноошкора равишда маълумотлар тўплашга юборганида у қўлга тушган. Шундан сўнг давлат хукмдори бошқа бир давлат хукмдори билан ушлаб олинган айғоқчини маълум бир миқдордаги тўлов эвазига кўйиб юборишга келишиб, уни озод қилган. Лекин тўловни олмаганидан сўнг бу ҳақда давлат хукмдорига шикоят қилган [1, Б.15]. Бундан кўриниб турибдики, ушбу даврда тезкор киритиш хукуқий тартибга солинмаган.

Марказий Осиёда хукуқ-тартибот ва жиноятчиликка қарши курашишда тадбирлардан фойдаланиш тарихини ўрганиш алоҳида қизиқиши уйғотади. Ўтра Осиё худудида марказлашган давлат тузишга эришган Амир Темур тезкор-қидириув тадбирлари ривожига ҳам салмоқли ҳисса кўшган. Бундай давлатни бошқариш учун кучли, яхши ташкил этилган бошқарув тизими зарур эди. Амир Темур аввалимбор мамлакатда давлат тизимини мустаҳкамлаш, бошқаришдаги тартиб-интизом, қонунчиликни кучайтиришга катта эътибор берган.

Амир Темур пири Абу Бакр Тайбодий маслаҳатига кўра, салтанатни қонун қоида асосида қуриш, давлатни идора қилишни тартиб-интизомга солиш мақсадларини қўйидагича байён қиласди: «Салтанатим ишларини тартиб интизомга солиб, мартабасига тўра ва тузук билан зебу зийнат бердим. Салтанатимни ўн икки тоифадаги кишилар билан мустаҳкамладим. Салтанатим мартабаси бўлмиш тўра-тузуклар ва қонун-қоидаларни ҳам шу ўн икки тоифага боғлаб туздим». Шунга кўра олтинчи тоифа кишилар қаторига мамлакат худудидаги вазият ҳақида ахборот берувчи ишончли,

тўғри эътиқодли, салтанат ишлари бўйича маслаҳат берувчи сирдош, маҳфий ишларни юритишида ёрдам берувчи шахсларни киритган. Ўн иккинчи тоифага эса чет мамлакатларда бўлувчи саёҳатчи, савдогар, қаландар, дарвеш ва карвон бошларни тайинлаб «...ўша давлатлардаги аҳоли туриштурмуши, мамлакат хукмдорларининг ўз раиятига қандай муомалада эканлиги ҳамда бошқа ниятларини аниклаб, унга етказиб туришларини топширган» [2, Б.71].

Бундан маълумки Амир Темур давлатни бошқаришда маълумотлар тўплаш, тезкор киритиш тадбирларига алоҳида эътибор қаратган. Бироқ, ушбу тадбирларни ўтказиш ҳуқуқий тартибга солинмай, шариат қоидалари, қадимий туркий одатлар (тўралар) ва тузукка асосланган [3, Б.84].

Жумладан, ёзувчи Ҳ. Содиков ўзининг «Амир Темур салтанатида хавфсизлик хизмати» номли асарида Соҳибқирон Олтин Ўрда истибододига қарши курашда разведка усууларидан, яъни даракчи, маҳфий айғоқчилар ёрдамидан фойдаланганлиги ҳақида бир қатор далиллар келтиради. Ноошкора ёрдамчилар сифатида Амир Темур унга содик бўлган қаландар ва дарвешларни ёллаб уларни душман қальалари ва шаҳарларига ахборот тўплаш ва унга етказиш учун юборган. Чунки ўша вақтда қаландар ва дарвешлар учун барча шаҳар, қальаларнинг дарвозалари, исталган хонадон, саройлар эшиклари очик бўлган [4, Б.20-21].

Тарихий ва замонавий норматив-ҳуқуқи ҳужжатларининг таҳлили Ўзбекистонда тезкор-кидирув тадбирларини ҳуқуқий тартибга солишининг ривожланиш босқичларини уч даврга ажратиш имконини берди.

Хусусан, биринчи босқич (1886 йилдан 1917 йилгача) – Туркистон ўлкасида изловни ҳуқуқий тартибга солишининг пайдо бўлиши, полициянинг жиноят-излов фаолиятини суриштирувнинг мустақил қисмига ажратиши, «излов қисмини ташкил этиш тўғрисида»ги қонунни қабул қилиш ва жиноят-излов органларининг миллий тизимини шакллантириш билан тавсифланади.

Жумладан, Россия Ўрта Осиёни босиб олганидан сўнг, 1886 йил 12 июлдаги «Туркистон ўлкасини бошқариш тўғрисидаги Низом»га кўра, бутун худудни мустамлака сифатида идора қилиш тартибини белгилаб қўйган[5]. Унга кўра жиноятчиликка қарши курашиш ихтисослаштирилган бўлинмаларга топширилган. Бу эса Туркистон худудида излов тадбирларини ривожланишига хизмат қилган.

Тезкор-кидирув тадбирларини ривожланишида 1908 йил 6 июлда қабул қилинган «Излов қисмларини ташкил этиш тўғрисида»ги қонун мухим роль ўйнаган. Дарҳақиқат, қонун қабул қилинган пайтдан бошлаб жиноят-излов тизимининг ҳуқуқий асослари яратилган. Унда жиноят-излов субъектлари кўрсатилиб, уларга ноошкора кидирувни ўтказиш, умумий характердаги жиноятлар бўйича суриштирув, прокуратура ва суд терговчиларининг алоҳида кўрсатмаларини бажариш вазифалари юклатилган [6, Б.10].

Қонун Туркистон генерал-губернаторлигига амал қилмаган. Чунки, Туркистон ўлкаси маҳсус лавозим билан бошқарилиб, маъмурий жиҳатдан мудофаа вазирига бўйсундирилган эди. Бироқ бир неча йилдан сўнг Туркистон ўлкасида излов бўлимларига эҳтиёж пайдо бўла бошлаган. Бунга Мудофаа вазирлиги томонидан юборилган ҳисобот ҳамда сенатор К.К. Паленнинг Туркистон ўлкасини 1908-1910 йиллар давомида тафтиш қилиб, Туркистон шаҳарларида мустақил полиция бошқармалари, Тошкентда обер-полицмейстер лавозимини жорий этиш ва ўлгадаги миршаб-полиция хизматчилари сонини кўпайтириш таклифлари таъсири остида 1910 йил май ойидан бошлаб, Сирдарё, Фарғона, Самарқанд, Еттисув ва Каспийорти вилоятларида излов қисмлари ташкил этила бошланган [7, Б.62].

Қабул қилинган қонунда излов бўлимларнинг вазифалари белгиланиб, унга кўра, умумий жиноят ишлари бўйича қидирувни амалга оширган. Излов субъектлари сифатида излов бўлими бошлиғи, бошлиқ ёрдамчиси, стол бошлиқлари, таржимонлар ва милиция назоратчилар белгиланган. Шу билан бирга, излов бўлимлари ходимларининг ҳуқуқ ва мажбуриятлари кўрсатилиб, уларга излов бўлимлари тезкор-қидирув харакатларидан ташқари, жиноятлар бўйича суриштирув ўтказиш ва суд терговчиларининг алоҳида топширикларини бажариш мажбуриятлари юкланган.

Бинобарин, ушбу қонунчилик акти ташкилий-бошқарув хусусиятига эга бўлиб, излов фаолиятини тартибга солмаган. Ўша вақтга келиб полиция излов ишининг сўров, яширин кузатув, сўзлашувларни эшитиш, ёзишмаларни назорат қилиш ва биноларни текшириш каби яширин усууларни кўллаш, шунингдек, жиноятларни фош этишда кўмаклашувчи шахслар имкониятидан фойдаланиш тажрибаси бўлса-да, бу соҳа тартибга солинмаган [8, Б.66-123].

Шу билан бирга, ушбу қонун ҳужжати қонун чиқарувчи томонидан полициянинг мустақил функцияси сифатида ажратилган жиноят излов органларининг умуммиллий тизимини

шакллантириш учун биринчи хукукий асоси бўлган. Афсуски, Россия империясида излов қонунчилигини ривожлантириш жараёни 1917 йилнинг февраль ва октябрь инқилоблари билан тўхтатилган. Натижада деярли барча излов органлари тугатилиб, хукукий асослари бекор қилинган [8, Б.122].

Аммо ўша вақтдаги тезкор вазият жиноятчиликка қарши курашишнинг ташкилий-хукукий шаклларини тезроқ ривожлантириши, шунингдек, излов фаолиятни милиция ишининг мустакил йўналишига ажратишни талаб қилган. 1917 йил ноябрь ойида жиноят-қидибув полицияси ташкил этилганидан сўнг жиноятчиликка қарши курашишда ошкора ва ноошкора қидибув тадбирларни ўтказиш ваколатига эга маҳсус бўлинмалар фаолиятига асос солинган.

Иккинчи босқич (1918-1991 йиллар) тезкор-қидибув тадбирларини хукукий тартибга солишининг ривожланиши жиноят-қидибув бўлимини ташкил этилиши, норматив-хукукий хужжатлардаги тезкор-қидибув чора-тадбирлари ишлаб чиқилиши билан ажralиб турувчи даврни ўз ичига олиши билан тавсифланади.

Тезкор-қидибув тадбирларини норматив-хукукий тартибга солиш ривожланишининг янги босқичи 1918 йил 28 февралда Туркистонда жиноят-қидибув бўлими ташкил этилиши билан боғлиқ бўлган [9, Б.61]. «Жиноят қидибув бўлимини ташкил этиш тўғрисида»ги Низомнинг 9-бандига мувофиқ жиноят қидибув ходимларига жиноятчиларни кузатиш учун одамларнинг оммавий йиғилиш жойлари (театрлар, кинотеатрлар ва бошқа муассасалар)га бепул ташриф буюришга рухсат берилган [10, Б.8-9].

Шундай қилиб, ушбу Низом жиноят қидибув тизимини яратиш учун биринчи хукукий асос бўлиб хизмат қилган. Бироқ, эътиборли жиҳати жиноятларни олдини олиш, бартараф этиш ва фош этиш мақсадларини белгилаб берган Низомда маълумотлар олишнинг кўплаб манбалари қаторида ноошкора манбалар кўрсатилмаган. Бироқ, жиноят қидибув бўлимининг кузатув, маълумотлар тўплаш, қидибув, сўров каби ҳаракатларни ўтказиш, шунингдек мажбурий хусусиятга эга бўлган тинтуб, кўлга олиш, текшириш чора-тадбирларини амалга ошириш вазифалари батафсил белгилаб берилган [11, Б.27-28].

Туркистон худудида жиноят-қидибув аппарати ва унинг ходимлари фаолиятини батафсил тартибга солувчи норматив-хукукий хужжатлардан бири Туркистон ўлкаси Ички ишлар халқ комиссарлиги ҳайъати томонидан 1920 йил 20 августда қабул қилинган бўлиб, унда жиноят-қидибув ходимларининг вазифалари сифатида жиноятларнинг олдини олиш, уларга сабаб бўлувчи омилларни бартараф этиш, жиноят содир этганларни аниқлаш ва жавобгарликка тортиш белгилаб берилган [12, Б.94]. Бу эса ўзининг ижобий натижасини берган.

Турли жойлардаги жиноят-қидибув бўлинмаларининг таркибий тузилиши органнинг ҳолати ва даражасига қараб ўзига хос хусусиятларга эга эди. Шу билан бирга, барча жиноят-қидибув аппаратларида икки бўлинмабўлган. Биринчиси суриштирувишларини олиб бориш, жиноятчиларни кўлга олиш, шахсий изкуварлик ва ошкора тадбирларни ўтказиш билан шуғулланган. Иккинчиси – фақат ноошкора тезкор тадбирларини ўтказган [13, Б.21-22].

Маълум вақт ўтганидан сўнг, 1921 йил 2 ноябрда тезкор-қидибув ишлари бўйича Йўрикнома қабул қилиниб, жиноятчиликка қарши курашиш бўйича белгиланган вазифаларни ҳал этиш кўмаклашувчи шахслар ёрдамида амалга оширилиши бевосита таъминланган [12, Б.28].

Совет даврида тезкор-қидибув тадбирлари қонун билан тартибга солинмаган. Шунинг учун тадбирларни ўтказиши тартибга солувчи норматив ҳужжатлар давлат сирларини ўз ичига олганлиги сабабли маҳфий бўлган. Бироқ бу тадбирлар кўламининг кенгайишига тўсқинлик қилмаган [14].

Шуни айтиш мумкинки, инсон ҳукуклари, эркинларни ва қонуний манфаатларига риоя этилишига тезкор-қидибув тадбирлари очик норматив-хукукий ҳужжатлар билан тартибга солинмаганлиги ўзининг таъсирини кўрсатган. Хусусан, 1930 ва 1950 йилларда кузатилган оммавий қатағонлар жараёнида катта салбий роль ўйнаган [15, Б.383].

Тезкор хабарлар ва маълумотномалар шаклидаги тезкор-қидибув тадбирлари натижалари баъзан жиноят ишларига тикилиб, жиноят ишини кўзгатиш ва ўлим жазосини тайинлаш учун асос сифатида фойдаланилган [16]. Баъзи совет генераллари ва маршаллари Иккинчи Жаҳон урушидан кейин қамоққа олинган ва уларнинг баъзилари эшлиш қурилмалари орқали қайд этилган Сталинга қарши гаплари учун ёки улардан қийноққа солиш орқали олинган кўрсатмаларига асосан отиб ташланган [17, Б.501-502].

Ўша даврда тезкор-қидибув тадбирларига оид илмий тадқиқот ишлари ёпиқ бўлган. Фақатгина,

бу масала 1980 йиллар охири ва 1990 йиллар бошида очиқ муҳокама қилинган. Шу билан бирга тезкор-қидирав тадбирлари тўғрисидаги дастлабки очиқ норматив хужжат пайдо бўлган. У Совет Иттифоқининг «Совет Иттифоқида давлат хавфсизлик органлари тўғрисида»ги қонуни бўлиб, унда Совет Иттифоқининг Давлат хавфсизлик қўмитаси бўлинмалари телефон сўзлашувларини эшлиши мумкинлиги белгиланган [18]. Мазкур тадбирни ўтказиш тартиби, сўзлашувларни эшлишининг асослари ва шартлари эса қонунда кўрсатилмаган [19, Б.45].

Тезкор-қидирав тадбирларини хукукий тартибга солиш ривожланишининг учинчи босқичи 1991 йилдан ҳозирги кунгача, яъни тезкор-қидирав тадбирларини ўтказиш ва натижаларидан фойдаланиш маҳсус қонун хужжатлари билан тартибга солинган даврни қамраб олишини кўрсатмоқда.

Мустақилликка эришганимиздан сўнг, 1992 йил 8 декабрда қабул қилинган Конституцияга (121-м) кўра, тезкор-қидирав фаолиятини амалга ошириш ваколати давлат органларига берилиши, улар томонидан тезкор-қидирав тадбирларини ўтказишнинг хукукий кафолати бўлиб хизмат қилган.

Мустақилликка эришган дастлабки йилларда тезкор-қидирав тадбирлари ички ишлар органларининг идоравий хукукий хужжатларга асосан тартибга солинган. Тезкор-қидирав фаолияти тўғрисидаги қонун қабул қилингунига қадар тезкор-қидирав тадбирлари турлари ва мазмуни ҳеч бир норматив хужжатда аниқ кўрсатилмаган эди.

2012 йил 25 декабрь куни Ўзбекистон Республикасининг «Тезкор-қидирав фаолияти тўғрисида»ги Қонунининг қабул қилиниши, ушбу йўналишдаги бир катор муаммоларга ечим бўлиб хизмат қилди. Ҳозирги кунда унга мувофиқ тезкор-қидирав тадбирлари ўтказилмоқда. Тезкор-қидирав тадбирларининг рўйхати ва мазмуни, уларни ўтказиш учун асослар ва шартлари, натижаларидан фойдаланиш ушбу қонунда биринчи маротаба батафсил очиб берилди. Бу вақтдан бошлаб, республикамиз ҳудудида тезкор-қидирав тадбирларини ўтказиш ва натижаларидан фойдаланиш янада ривожлана бошлади.

Хулоса қилиб айтганда, тарихий ва замонавий норматив-хукуки хужжатларининг таҳлили Ўзбекистонда тезкор-қидирав тадбирларини ўтказиш билан боғлиқ тезкор-қидирав қонунчилигининг шаклланиш ва ривожланиш тарихини уч даврга ажратиш имконини берди: биринчи босқич (1886 йилдан 1917 йилгача) – Туркистон ўлкасида изловни хукукий тартибга солишнинг пайдо бўлиши, полициянинг жиноят-излов фаолиятини суриштирувнинг мустақил қисмига ажратиши, «излов қисмини ташкил этиш тўғрисида»ги қонунни қабул қилиш ва жиноят-излов органларининг миллий тизимини шакллантириш билан тавсифланади; иккинчи босқич (1918-1991 йиллар) тезкор-қидирав тадбирларини норматив-хукукий тартибга солишнинг ривожланиши жиноят-қидирав бўлимини ташкил этилиши, норматив-хукукий хужжатлардаги тезкор-қидирав чора-тадбирлари ишлаб чиқилиши билан ажralиб турувчи даврни ўз ичига олиши билан тавсифланади; учинчи босқич (1991 йилдан ҳозирги кунгача) тезкор-қидирав тадбирларини қонунчилик билан тартибга солишнинг ривожланиши тезкор-қидирав тадбирларини ташкил этиш, ўтказиш, натижаларини расмийлаштириш ва фойдаланиш қонун хужжатлари билан тартибга солинган даврни қамраб олиши билан характерланади.

Иқтибослар/Сноски/References:

1. К.К.Горянова, В.С.Овчинского, Г.К.Синилова. Теория оперативно-розыскной деятельности: Учебник/ Под ред. – М.: ИНФРА-М, 2006. – X.
2. Темур тузуклари. – Т., 1996.
3. З.Муқимов. Амир Темур тузуклари (тарихий-хукукий тадқиқот). – Самарқанд: СамДУ, 2008.
4. Ҳ.Содиков. Амур Темур салтанатида хавфсизлик хизмати: (тарихий бадиалар). –Т: ART FLEX, 2010.
5. Туркистанда подшо Россияси мустамлака идора усулининг жорий этилиши // <http://e-tarix.uz/vatan-tarixi/475-vatan-tarixi.html>.
6. А.Ю.Шумилов. Развитие правового регулирования оперативно-розыскной деятельности в России (XVIII-XX в.). – М., 1998.
7. З.И.Перегудова. Политический сыск России (1880-1917) / 2-е изд., перераб. и доп. – М.: РОССПЭН, 2013.
8. А.В.Федоров, А.В.Шахматов. Указ. соч. – С 123.
9. Гребельский Д.В. Некоторые вопросы совершенствования курса «Оперативно-розыскная

деятельность органов охраны общественного порядка» // Труды ВШ МООП СССР. – М., 1967. – Вып. 16.

10. Вестник Народного Комиссариата Внутренних Дел. 1918. 28 декабря. № 24. С. 8-9.
11. А.Д.Парманасов. Законодательное регулирование оперативно-розыскной деятельности в странах – участниках евразийского экономического союза (по материалам органов внутренних дел): Дис. ... конд. юрид. наук. – СПб. Санкт-Петербургский университет МВД России, 2017.
12. А.А.Хамдамов, Т.Р.Сайтбаев. Становление и развитие теории оперативно-розыскной деятельности в Узбекистане. – Т.: Ўзбекистон Республикаси ИИВ Академиясининг ахборотномаси. – 2019. – Махсус сон – Б. 91-98.
13. Максименко Н.П. Аппараты уголовного розыска в первые годы Советской власти (1917-1920 гг.) // Оперативно-розыскная работа. Бюллетень ВНИИОП МООП. – 1967. - № 44. – С. 20-27.
14. И.В.Лосев. ОГПУ против Скотланд-Ярда. – СПб.: «Юридический центр «Пресс», 2003.
15. В.П.Кудрявцев. Политическая юстиция в СССР: учебник / В.Н. Кудрявцев, А.И. Трусов; РАН, МГУ им. М.В.Ломоносова, Ассоц. «Юрид. центр». - 2-е изд., испр. и доп. – СПб.: Юридический центр Пресс: Наука, 2002.
16. Уголовное дело № 23169-37 // Архив УФСБ России по г. Санкт-Петербургу и Ленинградской области.
17. Судоплатов П.Л. Спецоперации. Лубянка и Кремль 1930-1950 годы. – М.: ОЛМА-ПРЕСС, 2003.
18. Ведомости Верховного Совета СССР. № 12. Ст. 321.
19. Отажонов А.А. Тезкор-қидириув фаолияти натижасида аниқланган жиноятларни қасдан яширганлик учун жавобгарлик муаммолари // Тезкор-қидириув фаолияти тўғрисидаги қонун-суд-хуқуқ соҳасидаги ислоҳотларнинг муҳим босқичи: Илмий мақолалар тўплами. – Тошкент. Ўзбекистон Республикаси ИИВ Академияси, 2014. – Б. 43-47.